

مدیری : ابن السری
احمد جودت

مؤسسی : ابن السری
مصطفی نامق

آشیان

ادبی ، علمی ، سیاسی ، اجتماعی ، فنی ، اخلاق هفته لقی مجموعه در .

پنجشنبه

ایکینچی جلد

نومرو ۲۳

برنجی سنه

۲۶ محرم ۱۳۲۷

۵ شباط ۱۳۲۴

مندرجات

ماضی و آتی سعید حکمت	عثمانی دمیریوللری محمد امین
شناسی مرحوم عبدالحق حامد	قادرین روحی جیل سلیمان
خیال مشخص قاتق عالی	عفو مشتاق
حاجی حیاتی کایسلی رفعت	

استانبول

محل ادارسی : جفال اوغلنده اداره مخصوصه

جفال اوغلنده اباصوقیه جاده سنده : « مطبعه خیریه و شرکاتی »

۱۳۲۴





— مابعد —

وداد بهجت، اوداسېنده، ایرتیی کون ایچون اصول دفتریدن بر وظیفه حاضرلارکن صوقق قاپسینک، عصی برألك تماش ناشکیبانه سی آلتنده مدید بر انعکاسله اوتن چینغراغنه قولاق ویردرک دوغرولدی. بو، مدیحه نك قاپی چالیشنه بکزه یوردی. بوائساده مردیوه نلردن سرعتله چیقان خدمتچینک آرقاسندن، بر قاپچ کشینک آياق سسیله مدیحه نك «نزیه ابلا... سزه مسافر کلیورز...» دیهن ایچجه صداسنی ایشیتدی. مسافرلرک کیم اولدقلرینه انتقال ایدر ایتمز یرندن فیرلادی. قابنده عظیم بر خایجانله قاپی یه طوغری ایلریله دی. پرده نك آرالغندن اونلری تجسس ایتمک ایسته یه رك ألك محترز بر تماسیله قاپی آچدی. نزیه ایله والده سی، جامکانک یاننده، مسافرلری استقبال ایدرکن الك اوکده، ژولیده نك والده سی کوزینه ایلیشیدی. اونی ایلك دفعه یقیندن کوریوردی. قزینه او درجده بکزه یوردی که بر یرده تصادف ایته سه تردد ایتمه دن طانیایله جکدی. صو کرا مدیحه نك آرقه سنده ژولیده یی کورونجه، بوتون طاقتی کسر ایدن بر خایجانله تیرده دی. نزیه، صوریوردی:

— جامده خانم، نیچون کله دیلر؟...

ژولیده، رقیق و آهنگدار سسیله جواب ویردی:

— بر آزاباشی آغرییور افدم. مخصوص کوزلریکزدن اوپدی. بوکیجه لك

یخی غفو ایتسینلر، دییور...

بو، ژولیددنگ اور تانجه همشیره سی ایدی. و داد بهجت، اونلری بویله کیزی
 کیزی سیر ایتکدن روخده لطیف بر هیجان دویور و اونک کوچوک اللریله
 پجه سنک آغرافنی چقاریر کن کن دیسنه یار دیم ایتکه چالیشان نزیه یه زحمت
 ایتش اولمقدن اعتذار ایدرک بر لسان نزا کتله مقابله ایدیشلرینی؛ بوتون او،
 بر کچی قز طور کبارانه سنی حسن اداره ایدن آهنگ حرکاتیلر چارشافک
 ایچدن صیریلارق اونی فوق الحیال بر وجوده بکرم تن ظرافت اندامنی یقیندن
 کورده یلمش اولمق سعادتیلر محظوظ اولیوردی. اونی ایلك دفعه اولارق صحتله
 تدقیق ایدیه یله جکدی. فقط همشیره سنک، او ائاده قانی یه توجه ایدن نظرلری؛
 و داد بهجتی، اوراده ده زیاذه دورمقدن منع ایتشدی. اوراده، بردن بره
 کورواکدن تورقارق چکیلدی. لکن قابنده، اونی بوفرستدن استفاده یه سوق
 ایدن بر احتیاج درونله تکرار پرده ننگ آرقاسنه کیزله نهرک سیر ایتدی. اونلر
 نرده اوطوراجقلرینی قرار اشدیریورلردی. نزیه:

— ایسترسه کز، بر آز ایجری ده اوطورالم.. صو کرا باشقه اودایه کیده رز...

دیوردی...

ژولیده، در حال تبعیت ایدرک:

— فصل آرزو ایدرسه کز... دیدی.

والدلرینک یاننه کیدرکن بری، دیکرینی اوکه کچیرمکه چالیشیور و نزیه:

— واه اولماز قارده شم... دیوردی.

نهایت ایجری کیردکلری زمان، آرتق اوراده دورمغه احتیاج کورمه یین
 و داد بهجت تکرار یازیخانه سنه عودت ایدرک ذهنده اونک خیالنی تجسم
 ایتدیرمکه چالیشیور و بودوشونجه دن بر حظ معنوی آله رق اونکله باشلا یاچق
 اولان حیات معاشقه یی تخیل ایدیوردی. هییچ شبهه ایتیوردیکه اونی، بواقشام
 بورایه سوق ایدن بر قوت واردی.

اوزمانه قدر آنجق آیده بر کره کلیرکن بر مدتن بری بوزیارنلر
 صیقلاشمشدی. فقط اوکلیدیکی زمانلر و داد، مکتبه ده بولونیوردی. بوکوندوز
 زیارتلرینی بواقشام کیجه یه تأخیر ایتدیرن احتمال کن دیسی ایدی. کیم بیایر،

نصل وسيله لرله والده سنى ، بورايه كلك ايچون تشويق ايتش حقى جاهده نك راحتسزلىقى بيله بوكا برمانع تشكيل ايدمه مشدى . ديمك اونده ده ياواش ياواش ، بودادى كورمك ؛ برايىكى ساعت قدر اونك محيطنده ياشامق احتياجيله دوغان املار حاصل اولمشدى .. ديمك اوده بو حسه قارشى صراحت پيدا ايدن بر انجذاب ايله علاقه دار اولغه باشلامشدى ...

وداد بهجت ، بونى دوشوندى كچه سعادتندن مست اولارق لطيف بر نشوة غرام ايچنده استغراق ايدنيوردى ...

بودوشونجه ايله چالاشاميه جغه قناعت ايتدكدن صوكر ايتابلرينى ، دفترلرينى يازيخاننك بر طرفه براقدى . بونيك ايچنده بويله درين بر خولاي سعادتك الواح رنگين رؤيا دارى ايله پارچه پارچه انكشاف ايدن صفحات معاشقه سى قارشيسنده ، اصول دفترينك ، انسانى عميق بر قسوت وملال ايچنده بوناننان مسائل حسابيه سى ايله اوغراشمق قابليدى ؟ ... او ، ذاتاً بودرسدن هيچ خوشالنامازدى . انتساب ايدمچكى بر مسلكه مناسبى اولمايان حقى اوفق بر نسبتله تعلق ايدن بوتون درسلدن صيفي ايردى . باخصوص بر مسئله تجاريله اوزرينه ساعتلرجه وقف ذهن ايتك ؛ يومية دفترلرندى نظرلرى درين بر تعب قنور ايچنده پريشان ايدن محتاط بر ساسله ارقام آراسنده دولاشدقن ؛ اولنلرى برر برر قيد اولنه جقلرى خانه لر يراشديردكدن صوكر ايتابلرندن دفتر كيره نقل اولنه جقلرى آيىردق كيجه لر ينك ساعات قيمتدارينى بولوزومسز مشغوليتلره فدا ايتك قدر عبت بر شى اوله مازدى . هم نهايت بر توقيف دكلىدى ؟ .. او كاده بر آفرين فدا ايتمكه قورتولا بيايردى ...

شمى اونك ديكر اوداده موجوديتيله آزالرنده كى مسافه نك زوال يعديته قناعت حسى ويرن بر وهم خيالى ايچنده ، او كا مالاك اولمق اميدلرينك بر درجه يه تدر تحق ايتش اولديغه حكيم ايدور ، وشو دقيقه ده اونك محيطنده بولونمقن حقى تنفس ايتدىكى هوايى تنفس ايتمكدن عظيم بر اطمئنان حسياتله قابى دوليوردى . احتمال ، شمدى اوده عين حسك تحت تاثيرنده ايدى . فقط بونى نصل اكلايه بيله جكدى ؟ ... اونكله

قونوشمق؛ حتی بش دقیقه بر یرده بولوشمق قابل اولمیوردی. بودرجهده یقیننده بولوندیخی حالدده اوکا، حتی بر کله سویله یه مه مکده او درجهده مایوس. اولیوردیکه بوحر و میتله آراق بر نهایت ویرمک ایچون هرشیئی کوزده آلدیراجقدی. بر آراق اوکا بر ایکنجی مکتوب کوندرمکی تصور ایتدی. صوکر اوکا ده جوابسز قاله جغنی دوشونهرک واز کچدی. دیک، اونک هر تشبئی نتیجهده بویله عقیم قالاجقدی. فقط یاربی! بوکا نصل تحمل ایده. بیایردی؟... تمامیه حس ایدیوردیکه اونسز یاشامق قلیل دکلدر. اونک بویله کندیسندن اوزاق، احتمال ایلریده بر دیکریله یاشایاجغنی دوشونهرک یأسندن چیلدیریوردی. آه، اونی، بر کره کورسه.. هیچ اولمازسه بش اون دقیقه قونوشه یاسه... او ائنده عقلنه بر چاره کلدی. اوکا بو آقشام برایکی سطرارق بر تذکره ایله اوافق بر ملاقات تکلیف ایتیکی دوشوندی. مادامکه بودرجهده کلشیدی. هر حالدده اونکله بر یرده ملاقات ایتک چاردرینه توسل ایده جکدی. بوانئاده اونک، ایچریده، کیم بیایر، نه یه کولرکن یوکسه ان قهقهه لرینی ایشیتدی. و بوقهقهه ایله بوتون معنویاتی صارصیلارق اونک، بوشوخ، شاطر خلقتنده ایچه بر قادیناخک انسانی او آنده جذب ایدن سحر تراکتیله حسیاتنده عمیق بر ضعف حس ایتشیدی. اونی، اودقیقهده کورمک احتیاجیله دیشاری یه چیقدی. صوکر ابرسی طرفدن کورولمک احتمالن قوزقارق عودت ایتدی. بالقونک جاملی قاپیسندن دیشاریسینی سیر ایتدی. بواقشام، اونده بر دورامامزاق واردی. بوتون معنویاتی بر رعشه هیجان ایچنده احاطه ایدن بو حال؛ اوکا بر ملاقات موعودنک صبرقلرینی ویردرک متهیج ایدیوردی. اونی، مطابقا بواقشام کورمک و آراق تحمل ایدیلهمه ین بونأثرلرینی بر ایکی جمله ایله اوکا آکلاتمق ایستیوردی. مثلاً کیدرکن... فقط بوده قابل دکلدی. والدسک. یاننده بوکا نصل جرأت ایده بیایردی؟... لکن اونده، بوتون موانعه رغماً بواقشام مطلقا اونکله کوروشمک ایچون اراده لرینی کسر ایدن او یله بر حس، بر احتیاج واردیکه اوافق بر جسارتله بو آرزوسک ممکن اولاجغنه قناعت ایدیوردی. بالقونک قاپیسینی آچدی. بر آاز اطرافنی سیر ایتک؛ وقابنده

بوتون احترازلره غلبه چالار بر عقدۀ تصمیم ایله بودوشونجه سینه بر چاره تطبیق بولمق ایچون کیجه نك خفایای سکونندن بر الهام مغنوی ایله استتاج فیکرا تمك ایسته دی. هوا، ساکن... و بوتون کائنات، بهار کیجه لرینه مخصوص برصمت علوی ایچنده طبیعتك، اوزاقلردن کلن کیزلی ترانه لرینی دیکلور کییدی. و داد بهجت، اوراده حصیر صندالیله لردن برینه اوطور ارق کیجه نك بوسکون غشی آور خولیاسی ایچنده دوشونمکه باشلادی.

برایکی دقیقه کچمشدیکه اودانك قایسی آچیلدی. و داد بهجت، قاپی آچانك کیم اولدیغنی کورمك ایچون صندالیله نك اوزرنده اکیلدیکی زمان نزیه یی کوردی. قالقوب، نه ایستدیکنی صوراجقدی. آرقاسنده ژولیده یی کورونجه بردن دوکدی، قالدی. اونلر اوراده کیمسه نك بولونمادیغنی کورونجه ایچری یه کیردیله. نزیه:

— آغابکم سلامنه کیتمش اولاجق. کلک بوراده اوطورالم... دییوردی. و داد بهجت، اوراده اولدیغنی بللی ایتمه مک ایسته یه رك بالقونك بر کوشه سینه چکیلدی. و قابنده برخا جانله اونلری، اورادن تدقیقه باشلادی. نزیه ایله یازینخانه نك اوکنده قارشى قارشى یه اوطوردیلر. ژولیده، یازینخانه نك اوزرندن آلنه کچن بر قارت پوستال قولله کسیونتی قاراشدی ریرکن نزیه، اوکا ایله اشارت ایدهرک برشیلر کلاتیوردی...

— مابعدی وار —

جمیل سلیمان

